

SARS YI AMUKELA AHLULO WA LE KHOTO WA MARK LIFMAN

PRETORIA, Ravumbirhi ti 11 Khotavuxika – SARS yi amukela vuavanyisi lebyi nyikiweke ehenhla ka Tatana Mark Roy Lifman na 35 wa vaendli va xikombelo eKhotokulu ya Western Cape hi Ravumbirhi, ti 11 Khotavuxika 2019.

Leswi swi landzela xikombelo xa yimiso lexi tisiweke hi Lifman xo sivela SARS ku ya emahlweni na xiendlo xo koleka.

Hi 2015, SARS yi sungurile magoza yo koleka ehenhla ka Lifman, hambiswiritano, yuniti leyi endlaka vulavisisi yi cukumetiwele hi 2016.

Xikombelo xa Lifman xi seketeriwile hi xihehlo xa yena xa leswaku swiyimo swo hlawuleka a swi ri kona, laha SARS yi nga tinyiketela ku endla nxopaxopo wa le ndzeni no langutisa hi vuntshwa mihlelelo leyi humesiweke. U vurile leswaku leswi u byeriwele swona hi oditara ya SARS ku suka ehofisini ya Cape Town.

SARS yi nga tiyisisa leswaku xiendlo xa oditara a xi ri xo hamboloka, naswona munhu wa kona u fambile eka nhlango.

Khotokulu yi tiyisisile leswi landzelaka:

- Nawu Nawu wa Vufambisi bya Xibalo, Nomboro 28 wa 2011 a wu nyiki mpfumelelo wo langutisisa hi vuntshwa nhlelelo lowu kanetiwaka eka nhlelelo.
- Tshalatshala leri faneleke ro kaneta nhlelelo lowu humesiweke hi SARS hi ku tirhisa swipimelo swa Xintshuxo xa Nkwetlembetano leswi nga kona eka Nawu wa Vufambisi bya Xibalo, Nomboro 28 wa 2011; na
- Xikombelo xa Lifman xi vonaka xi ri nxaniso wa phurose.

Vuavanyisi lebyi byi pfumelela SARS ku ya emahlweni na magoza yo koleka ehenhla ka Tatana Lifman na 35 wa vaendli va xikombelo.